

جريدة محاکم

۱۲۹۰

جمعه ایرتسی

نومرو	جاذی الاولی	سنه	شباط	سنه	صفیحه
۳۳۹	۳۰	۱۳۰۳	۲۱	۱۳۰۱	۳۳۴۳

- اشبو غزته بهر هفته جمعه ایرتسی کونلری چیقار سنه لکی در سعادت ایچون مجیدیه
- یکرمی غروش حسابیله التمش غروشدر طشره لر ایچون اون بش غروش پوسته اجرتی ضم اولنور بهر
- نسخه سی ینه مجیدیه یکرمی غروش اولوق اوزره یوزپاره به هر یرده صاتیلور درج اولنه جق اعلانک
- هر برندن بر مجیدیه اخذ اولنور سنه لکنه مشتری اولوق استیانلر عدلیه نظارتی دائره سنده کاشن
- جریده محاکم اداره سنه مراجعت ایلیلدر

قسمت سومی

قراریله مرعی اولان اصولدن اولدیغنه نظراً
معامله اولتمقده اولدیغی حالده امور مالیه نك
منحصراً مأمورین مالیه به تودیع اولتمسندن
طولابی اوکبی وکالتنامه لرك ولایاته دفتر دارلر
ولوالرده دخی دفتر دارلرك مسؤولیتی تخته
اولوق اوزره محاسبه جیلر طرفندن تمهیر ایلمسی
لازم کله جکنه دائر شورای دولت تنظیمات
دائرة سنندن تنظیم اولسان مضبطه صورتک
کوندرلدیکی بیان عالیسیله اقتضاسنک اجرایی
مقام سامی جناب صدارت پناهیدن شرفوادر
اولان فی ۲۹ ربیع الاول سنه ۳۰۳ وفی ۲۴
کانون اول سنه ۱۳۰۱ تاریخلی تذکره ده امر
واشعار بیورلمش واولوجهله اجرای معامله
اولتمی ضمنده دائره تفتیشیه لرنده بولسان

- (عدلیه نظارت جلیله سنندن فی ۲۶ جاذی)
- (الاول سنه ۳۰۳ وفی ۱۸ شباط سنه)
- (۳۰۱ تاریخنده در سعادت وولایات عدلیه)
- (مفتشکر ینه یاز یلان محررات علیه)
- (صورتیدر)

طشره لرده دوا تراپله اشخاص بینلرنده تحدت ایده جک
دعاوینک رؤیتی ایچون طرف حکومتدن تعیین
اولنه جق وکیلاره اعطاسی مقتضی اولان
وکالتنامه لرك ولایت والیکر یله الویه متصرف لقلری
طرفندن مهر ذاتی ایله تختیمی شورای دولت

محا که لاجل التبلیغ اشونجر برانک نسخ مطبوعه
کافیسی لفا ارسال قلمش اولغله ایجابنک اجرایی

قسم غیر رسمی

بیک اوچیوز اوچ سنه سی محرمک یدنجی جمعه
کیجه سی ساعت درت راده لرنده بلاطده درانمان
جاده سنده واقع امینه خانمک خانه سنه دخول ایله
فعل سرقته تصدی ایدن یورکی ولد استاوری
وخچیک ولد بدروسک محاکمه ضبطنامه سندن مابعد

طرفینک ادعا ومدافعائی وتدقیق اولنان افادات
مضبوطه اوراقی اوزرینه ایجاب کیفیت لدی
المذاکره متهملردن یورکینک خانه دن چیقهرق
وعلی حیدر اغانک کوسسنه بریومرق اورهرق
فرار ایده جکی صروده طوتلدیغی مرقوم علی
حیدر اغا طرفندن مع القسم اخبار اولندیغی مثللو
نسیبه وشاهور خانملره سرونازک شهادتلی
دخی بو حالی مؤید بولمسنه ومدعیه شخصیه
امینه خانم دخی یورکی بی تشخیص ایتسنه واشیاسنک
قارشدرلمش اولدیغنی سولمسنه وعلی حیدر اغانک
مزبورله ایله برلکده کلدیکی جله اخباراتدن


اولسنه و خانه مذکور قبوسنک پروازی آلت
مخصوصه ایله قیریلهرق اچلدیغی عند المعاینه
اکلاشلسنه و خانه دروننده یورکینک فسیله
برده اسقار پيله ظهور ایتسنه و یورکی علی حیدر
اغا کندوسی پانده لی ایله برابر قهوه خانه دن
قالدیروب میخانه به و اورادن بوش براوه کتوردیکی
وخچیک مرقوم یورکی بی قهوه خانه ده کورمش
اولوب طوغریجه خانه سنه کتدیکنی بیان
ومذکور تیوری کندوسی یاپوب یورکی به
و بردیکی حقتده اولان افاده سندن نکول ایله
انکار جرم ایتکده وقهوه چی دیمتری و یانی
ومیخانه چی خرسنتو وقهوه چی دیقران دخی علی
حیدر اغانک یورکی و پانده لی ایله قهوه ومیخانه لرده
اوتوردقلمینی سولمکده ایتسه لرده پانده لی
میخانه دن کلدکن وقهوه خانه ده اوتوردقلمندن
صکره خچیک دخی بالورود علی حیدر اغا خانه سه
کتملکه یورکی وخچیک دخی کندوسی اوینه
براقوب کتدکلمینی بیان ایتش اولدیغندن
وقعه دن اولجه علی حیدر اغانک بونترله میخانه به
کتش اولسی فرض ایتسه دخی بو حال یورکینک
صدق افاده سنه دلیل اولماسنه و بوجه محرر
خچیکله یورکینک کیجه ساعت اوچ بچق راده لرنده
برابر کتدکلمی پانده لینک افاده سندن دخی
استدلال قلمسنه و یورکی طوتلدیغنده سیاه
البسه لی برده رفیق اولدیغنی بیان ایدیلوب باخصوص
یورکی علی حیدر اغا دولابدن برشیشه راقی
چیقاردی دیورکه کندو خانه سی اولیان بر محله

راقینک دولابده اولدیغنی بلیسی مستبعد اولدیغندن
ومع مافیبه علی حیدر اغانک آلت استعمالیله قیوی
آچسنه مناسبت کور یله مدیکندن وامینه خانم علی
حیدر اغانک همشیره سی اولدیغنی عند الاستنطاق
بیان ایتش بولدیغندن متهملرک اشبو تاویلاری
دخی شایان قبول اولماسنه ووکیل مومی الیهک
سدافماتی دخی بونقطه لره منحصر بولمسنه نظراً
مرقومان یورکی وخچیک انکارلی واهی
ومدافعات واقع دخی غیر وارد اولوب متهمان
مرقومانک مزبوره امینه خانمک خانه سندن فعل
سرقته تصدی ایتدکلمی حالده اسباب مانعه
حیلولتیه یعنی علی حیدر اغا وسائرلرنک
کلسیله برشی الهمدقلمی تحقق ایتدیکندن مجرم
اولدقلمینه متفقاً قرار ویریلهرک اولابنده تنظیم اولنان
قرارنامه علناً قرائت اولندقده معاون مومی الیه
ثبوت جرم لرنه قرار ویریلان یورکی وخچیک
حرکت متبینه لری قانون جزانک ایکیوز اوتوزنجی
ماده سی علاوه سی منظوقجه ایکیوز بکرمنجی
ماده سنه موافق اولدیغندن اولوجهله تعیین
مجازاتلرنی ووکیل مومی الیه دخی تخفیف
جزالرنی طلب ایتلریله مذاکره اوطه سنه عودت
اولندی

جهت جزایه حقتده دخی ایجابی لدی التذکر
مرقومانک حرکتلری بوجه ادعا جزا قانونامه
همایونک ایکیوز اوتوزنجی ماده سی علاوه سی
موجبجه ایکیوز بکرمنجی ماده سنه موافق
اولدیغنه وعلاوه مذکورده فعل سرقتک
اجراسنه تصدی ایدوبده ید اختیارنده اولیان

اسباب مانعه حیلولتیه برشی الهمامش اولان
خرسزله حقتده تصدی ایلدیکی فعلک درجه سنه
کوره سرقت جزاسی اجرا اولنور و ذکر اولنمان
ماده ده دخی هر تقدر انسان اقامت ایدر محل اولسه
و یا خود مسکون محله متعلق بولمسنه بيله قیالی
ودیوار ایله محدود اولان محللرک دیوار بنی دلهرک
و یا زردبان ایله اشهرق و یا آلت مخصوصه ایله
قیوسی اچهرق خرسزلق ایدنلر موقه کورکه
قونیلور دیو محرر ایدوکنه مبنی بوا حکامه توفیقاً
ومرقوماندن یورکینک ابتدای توقیفی اولان اوچیوز
اوچ سنه سی محرمک یدنجی وخچیکک دخی سنه
مذکوره صفرینک اون التنجی کونلرندن اعتباراً
اون طقوزنجی ماده قانونیه منظوقجه بعدالتشهر
اوچر سنه مدته کورکه قونلرینه وضبط واعلام
واستنطاق خرجلری اولان جمعاً یدی یوز بیس
غروشک مرقوماندن بالتحصیل عدلیه وزنه سنه تسلیم
ایتدیرلمسنه بیک اوچیوز اوچ سنه سی جاذی
الاولیننک اون التنجی کونته مصادف اولان بیک
اوچیوز برسنه سی شباطنک سکرنجی کونی اتفاق
آرا ایله قرار ویریلهرک قانون موقتک ارئه
وتعریف ایلدیکی وجهله تفهیمی اجرا و اصول
محاکمه معین اولان معاملات سائر ایفا اولندی

فی ۱۲ شباط سنه ۱۳۰۱



(یلان شاهدلکی)

یلان شاهدلکی جرمی اشخاص حقنده وقوعبولان جنایات و جنحه لصره سنه قولش ایسه ده بالکرا و نظر ایله باقلاملیدر فعل مذکورک ارتکابی بعضاً هم دولتک همده عامه نك علیهنده بولمسی پک نادر احوال دن دکدر شخص مظلونک علیهنده شهادت کاذبه ایدن کیسه طبیعی طوغریدن طوغری به اول شخصک حقوقنه طوقندیغی جهته بوجرمی اول امرده انک علیهنده در لکن لهنده اولهرق یلان سویلر و متهم اولدیغی حالده جزاسز قالمسنه سبب اولور ایسه بوفعلی دولت و عامه نك علیهنده اولمازی ؟ بونک ایچوندرکه افعال مذکوره بالکر اشخاص حقنده اولیوب بعضاً دولت و هیئت اجتماعیه علیهنده در بوافکارمزی قانون جزانک ایکبوز اونجی ماده سی تأیید ایدیور

جزا قانونامه سنک ایکبوز بدنجی و سکرنجی ماده لری احکامجه متهم اولان شخصک کرک لهنده و کرک علیهنده یلان شاهدلکی ایدنلرک جزا کورمسی لازم کلور شو ماده لرک حکمی متهمک لهنده و یا علیهنده اولهرق شهادت کاذبه ایدنلرک منحصردر بونی تعبیر دیگر ایله بیان ایدنم اوله یلورکه یلان شهادتی وقوعبولسون اما مظلونک برائتی و یا جزاسنک تخفیفی و یا خود اتهامی و یا جزاسنک تشدیدینی موجب دکل ایسه بوخصوصده یلان سو بلیانه یلان شاهدی دنیلهمز بوراسنی لایقیله عرض ایتک ایچون فرض ایدمکه ادرنده وقوعبولان برقتل ماده سندن طولابی شاهد صفتیه جلب اولنانلردن

قانون جزانک باب نایسنک فصل خامسنده محرر اولان ماده لر نه قدر مختصر ایسه جهت تطبیقی او قدر موجب مشکلات و جالب دقت مواد مهمه قانونیه دندر لسانمزده قلبه الشمس و یا خود السنه اجنبیه دن ترجمه اولتمش و اولتماش بعض تألیفاتیه مراجعت اولنور ایسه بوخصوصده بدرجه به قدر استفاده اولنه یلور فقط مشکلات مذکورمکک نمره سی بتون بتون محو اولنهمز بالجمله قوانین علم حقوقدن نشأت ایتش ایسه ده علم مذکورک قواعد کلیه و اساسیه سی اقتضاسندن اولدیغی اوزره قانون اخلاق ملیه و عادات محلیه به کوره وضع اولنور بوسببه مسنند اولمیلدرکه بزم جزا قانونامه سنک اکثر جهتلری ایله دیار اجنبیه قوانین جزاییه سی اده سننده پک چوق مبنایت اولدیغی کبی موضوع بچتمز بولنان مواد قانونیه ایله بوکا دائر اولان اجنبی قانونلر نك ماده لری بیننده دخی خبلی برفرق واردر شو حالده قوانینک تفسیری ایله مشغول اولان اجنبی مؤلفلر نك آثاری مواد معروضه نك توضیحیه مدار کافی اولهمز

سالف الذکر ماده لر احکامنک حین تطبیقنده مشکلات فوق العاده به تصادف ایله برطاقم مسائل قانونیه نك ظهوری احتمال اولدیغی جهته مقصد اصلیز مواد مذکورمکک مباحثه و تفسیره محتاج ایدوکنه دائر بهض مطالعات بیان ایلکدر

بررسی او اثناده ادرنده بولمیبوروسه ده بولندیغنی بیان ایدر و صکره کندوسنک هیچ بروسه به کندیکی و جرمک و قوعی صره ده ازمیرده بولندیغنی ثابت اولور ایسه بوآدمک یلان سویلدیکی میدانده در فقط یلان سوزلری مظلونک نه علیهنده نه ده لهنده اولدیغندن یلان شاهد دکدر اگر مظلونی اولوقت بروسه ده کوردیکی علاوه ایدر ایسه حقیقت حاله مغایر اولان بوافاده سی مظلونک لهنده اولدیغندن کندوسی یلان شاهدی اولور

ایکبوز بدنجی ماده نك فقره اولیه سننده متهمک لهنده و یا خود علیهنده یلان شاهدلکی ایدنلرک برنوع جزا تعیین اولنور ماده مذکورمکک فقره نایه سی ایسه متهمک علیهنده یلان شهادتک مرتکبلرینه آروجه ودها آغرحه مجازات لزومی کورستریور بوندن اکلاشیلورکه قانون مواد جناییه ده متهمک علیهنده کی ایله لهنده کی شهادت کاذبه بی تفریق و استثنای ایدیور

مثلا بر متهمک مؤبد کورک و یا خود اعدام جزاسندن حقسنز ره قورتمسنه مدار اولان یلان شاهدینک جزاسی هر حالده موقه کورکدر حالبوکه بغیر حق علیهنده بوکی مجازات عظیمه حکم اولمسنه سبب اولور ایسه حقنده عینیه بو جزا اجرا اولنه جقدر یعنی بری الذمه اولان کسه نك جزاندر برسی جهتنه حقیقه متهم اولو بده جزاسز قالمسندن قانون زیاده اهمیت وریور جنحه و قباحث نوعندن اولان افعالده ایکبوز سکرنجی

ماده بو بولده برفرق کورستریوب انجی متهمک کرک لهنده و کرک علیهنده یلان شاهدلکی ایدن شخص برآیدن بش آیه قدر حبس جزاسیله مجازات اولمسنی ذکر ایتمکه اکتفا ایتشدر

بناء علیه جنحه و قباحترده یلان شاهدلکی جرمی برآدمک حقسنز ره ایستر برائتی ایستر اتهامی موجب اولسون قانوناً برکونه صراحت استثنایه کور بیه میور ایسه ده مادامکه جنایاتده یلان شاهدلکی فعلی برکسه نك متهم اولدیغی حالده موقت کورک جزاسندن اشد بر جزا کورمسنه سبب اولور ایسه فاعلی حقنده عینیه بر جزا ترتیب اولمشدر جنحه لده نسبتله او بیه برفرق نیچون اولسون بسبالی جنحه و قباحث جزاری خفیف اولدیغندن واضح قانون بو بیه بر لزوم کورماشدر

مذکور ایکبوز سکرنجی ماده متهمک علیهنده کی ایله لهنده کی یلان شاهدلکی هیچ تفریق ایتدیکی کبی قباحث ایله جنحه بیننده دخی برنوع فریق قبول ایتدیور حقسنز ره بش غروش جزای نقدی محکومیتی موجب اولان یلان شاهدلکی اقلی برماه و جنحه نك صوک درجه سی اولان اویچ سنه قدر حبس جزاسنی ایجاب ایتدیرن کذلک یلان شاهدلکی اک زیاده بش ماه حبس جزاسیله تأذیب اولنور بوراده فعل ایله جزا بیننده غیر متناسب بر حال اولدیغنی وارد خاطر اولیور ایسه ده صراحت قانونیه به قارشو بیان مطالعه ایتک بزجه متن قانوندن آیرلیق دیمک اوله جقدر

بر یسنگ شهادت کاذبه سندن طولانی جنحه نك
 نهایت جزاسی اولان اوچ سنه به قدر دیگر بر آدمک
 حبس یله بغیر حق حریت شخصیه سندنمی یوقسه
 آز و چوق اموال مختلفه سندنمی محرومیتله متضرر
 اولدیغی حالده اول یلان شاهدهی دها اغر جزایه
 مستحق اولق مقتضیدر ؟ یلان شاهدینک مسببی
 اولدیغی فنالغه کوره جزالتدیرلسی اقتضا ایلدیکی
 جهتنه باقیلور ایسه جنحه دعوازنده یلان
 شاهدلیکی ارتکاب ایدنلرک حقوق عادیه محاکمه لرنده
 شهادت کاذبه ده بولنانلردن طبیعی نسبتله دها
 اغر جزا کورملری مقتضی کی کورینور حالبوکه
 جنحه و قباحته متعلق دعوازده یلان شاهدلری
 ایکوز سکرنجی ماده به توفیقاً برآیدن بش آیه
 قدر و دعاوی عادیه ده ایکوز طقوزنجی ماده
 حکمنجه التی آیدن برسنه به قدر حبس اولنور
 برکاسب ایسه بش التی ماهدن زیاده حبس
 جزاسنی مستلزم جنحه دعوازرنک ندرتی و حقوق
 عادیه دعاوی نیک کثرتی اولمیدر افکار عاجزانه مزجه
 بوکا بشقه معنی و یر یله میور
 دعاوی عادیه ده یلان شاهدلیکی مدعی و مدعی
 علیه لهنده و یاخود علیه نده اولسی اقتضا
 ایدوب اتمیه چکنه دائر ایکوز طقوزنجی ماده ده
 برکونه صراحت یوقدر مع مافیله بومثللو
 دعوازده دخی حقیقت حاله غیر موافق اولان
 شهادت یلان شاهدلیکی دینلک ایچون شهادت مذکوره
 مطلقاً طرفیندن بر یسنگ و یاخود دیگر بر شخص
 ثالثک ضررینی موجب اولق شرطدر صانیورز

حاصل اوله جق نتیجه متأسفهدن کندوسنگ
 برکونه استفاده سی ملحوظ و محتمل اولسون
 مادام که کرک اغراض شخصیه سی و کرک کیف
 ذاتیمی اجرا اولتی و شورتله جا کلری الدائمق
 و بناء علیه حقانیته مغایر بر معامله ایله بر یسنگ
 و یاخود متعدد اشخاصک حقوقه خلل و یرلک
 اوزره بو پاره یی اول شاهده و یرمش و بوسوه
 نیتی حصوله کلشدر و یرن دخی هرکیم اولور
 ایسه اولسون مذکور ماده قانونیه نیک حکمندن
 کندوسنی قورتاره مز فکر و اعتقادنده یز بوماده نیک
 تطبیقی یوقاروده عرض ایلدیکنز اوزره یلان
 شاهدلیکی جرمی بولمسنه متوقعدر اکر تفصیل
 اولنان صور دائره سنده یلان شاهدلیکی بوق
 ایسه پاره یی الان و و یرن مستحق جزا اوله مز
 مطالعه سنده یز ماده مذکور نیک احکامی امور
 جزایه و حقوقیه دعوازنده یلان شاهدلیکی
 جرمی ارتکاب ایدنلره شمولی واردر مکرکه ایکوز
 یدنجی ماده سینگ قهره ثانیه سنده محرر اولدیغی
 وجهله یلان شاهدینک حرکتی دها اغر بر جزایی
 مستلزم اوله احوالده رشوت کیفیتی اسباب
 مشدده دن عد ایدیلهرک اول اغر جزانک حکمی
 بولنه کیدیله چکدر
 ایکوز اون برنجی ماده نیک مقصدی بر جزا ایله
 ایکی درلو افعال مضره یی منع ایتکدر برنجیسی
 شهادت صحیحه و مستقیمه اصحابی ایفای شهادتدن
 کرها منع ایدنلر حقنده در دیمک اولیورکه شهادت
 صحیحه و مستقیمه اصحابندن اولیان کیسه ایفای

شهادتدن آخر طرفندن منع اولنور ایسه منع ایدن
 حقنده بوماده نیک حکمی اصابت ایده میور ایفای
 شهادتدن کرها منع اولنان کیسه نیک شهادتی طوغری می
 یوقسه بلانمی بورالری قطعياً معلوم اولمق لازم کلور
 اکر ایفای شهادتدن منع اولنان کیسه نیک شهادت
 صحیحه سینگ عدم ایفاسندن طولانی بریسی حقسنز
 یره محکوم اولش و یاخود برآنتی استحصال ایتش
 ایسه بوشاهدی منع ایدنلر ایشک درجه سنه کوره
 یلان شاهدی جزاسنه مستحق اولورلر ایکنجیسی
 جبراً یلان شهادتی ایتدیرنلره دائردر بونلرده
 عاداتا یلان شاهدلری یرن زرا جبراً یلان سویلیان
 مسئول اولیوب انی اجبار ایدن مسئولدر جبراً
 یلان شاهدلیکی ایتدیرن کیسه هر حالده آمر مجبر
 اولوب تهدید و اخافه ایله شاهدی اجبار ایده چکنندن
 اکر بو اخافه و تهدید مثللو معامله جبروشدت
 اوایشده وقوعبولان یلان شاهدلیکی جزاسندن
 اشد بر جزایی دعوت ایدر افعالدن ایسه طبیعی
 یلان شاهدلیکی سبب شدت طوتیله رق اول
 اغر جزا ایله مجازات اولنور اشبو ماده طوغری
 اولان شهادتک عدم ایفاسیله یلان شاهدلیکی فعلی
 مساوی نظر یله باقوب کرک بری و کرک دیگرینک
 مرتکبی حقنده درجه تهمتلرینه کوره بر صورتله
 جزا ترتیب ایتشدر بوماده نیک حکمی اجرا
 اولنه ییلک ایچون کرک ایفاسندن کرها منع
 ایدیله چک شهادتدن و کرک جبراً ایتدیریله چک
 یلان شاهدلیکی فعلندن طولانی برنوع مضره
 وقوعه کلسی لازمدر یلان شاهدلیکی بعضاً افزا

و بعضاً ساخته کاراق جرائمه جهت مناسبتی
 اوله یلور شویله که بر یسنک علیهنه مفتیاته قیام
 ایتک اوزره اوچ کشتی تصور ایدوبده بو نلردن
 بر یسی مخبر و دیگرلری شاهد اولورلر شو حالده
 اوچیده افترا جرمنک فاعل مشتیرکی ایسه لرده
 مادام که یلان شاهدلری ایچون آبرو بر جزا واردرکه
 مفتیری حقنده کی جزایه مساویدر افترا جزاسندن
 صرف نظر ایله شاهدلره یلان شاهدلکی و مخبره
 مفتیری جزاسی و بر یسی بزجه موافق مصلحت
 کور یلور ساخته اوراق یانلر و یاخود
 یله رک استعمال ایدنلر ایچون بویله دکدر
 ز برا بعض موادده یلان شهادتینک کور می لازم
 کلان جزا ساخته کاراق جزاسندن دها خفیف
 اولسی دائرة امکانده بولندیغی کبی بعضیسنده
 یلان شهادتکی جزاسی ساخته کاراق جزاسندن
 دها اغیر اولسی دخی محتمل اولدیغی جهتله شاهد
 کاذب حقنده بو ایکی جرمک جزالردن قنغیسی
 اشد ایسه انک اجراسی بجاوسزادر ظننده بز
 مثلا جنجه و قباحت دعوالرنده شاهد کاذبک بونک
 ضمنده ساخته اوراق یامش و یاخود یله رک
 استعمال ایتش اولدیغی اکلاشیلور ایسه
 بو خصوصده خفیف کور یله جک یلان شهادتکی
 جزاسنک برینه ساخته کاراق جزاسی لاحق اولور
 وعکس صورتده یعنی قانون جزانک ایکوز برنجی
 ماده سنک ققره ثانیه سنده محرر اولان مجازاتی
 مستلزم یلان شهادتکی مرتکبی قانون مذکورک
 بوز الی بشنجی ماده سی منع ایلدیکی و او ایسه

مناسبتی اولدیغی ساخته کارلق فعلی ایله دخی
 متهم اولور ایسه طبیعی ققره قانونیه مذکوریه
 توفیقاً مجازات اولنه جقدر
 احکام مختلفه سنی بالاده عرض وتفصیل ایلدیگیز
 مواد قانونیه نک حکمت فریده سی شهادت کاذبه
 مضره بی منع ایله مرتکبلری مستحق اولدقیری
 مجازات مناسبه نک اجراسندن عبارت ایدوکنی
 وشهادتدن مطلوب یالکز حقیقت حالک یلنسی
 خصوص اولیوب اثبات حق کیفیت اولدیغی
 قبول وتصدیق ایلدیگیز تقدیرده افعال مجووت
 عنهایه متفرع بعض احوال متوعده سائر واردرکه
 انر دخی نظر دقتیری جلب ایتلیدر بوجهتربده
 بیان ایدلم مستنطق و یاخود تحقیقات واستنطاقک
 اجراسیله مکلف اولان مأمورین سائر حضورینه
 جلب اولنان شاهدلرک افاده کاذبه سی یلان
 شاهدلکی جزاسنی مستلزم اولورمی ؟ کذلک
 مواد حقوقیه و جزایه ده حکمه مأذون اولیان
 مأمورلر حضورنده حقیقت حالک خلافتده شهادت
 ایدنلره قانوناً یلان شهادی دینه یله جکمی ؟ هر قنغی
 محل و محکمه ده اولور ایسه اولسون اقدملری
 معلومات قبیلندن اوله رق یمنسز اخذ اولنانلر
 طوغری سویله مدکاری اکلاشیلور ایسه بونلره
 یلان شاهدلکی جزاسی و بر یله یلورمی ؟ شهادت
 کاذبه ایدن کیمسه دردست محاکمه بولنان دعوی
 اوزرینه هنوز بر حکم صادر اولنلردن اول خوف
 ایلدیکنندن و یاخود اسباب سائر دن طولانی
 بیان نداعته طوغر یسنی سویلر ایسه اول کیمسه ده

یلان شهادی دینه یلورمی ؟ بعد الاستماع اسباب
 معلومه قانونیه مینی رد اولنان شاهدلر افاده
 کاذبه ده بولندقیری ایچون یلان شهادی نظری
 ایله باقله جقمی ؟ مرور زمان ایله ساقط اولمش
 و یاخود مقدمه محاکمه و حکم اولمش ایسه ینه
 باقلسنه قیام اولنان دعوالرده استماع اولنان
 شاهدلرک (مرور زمان و یا اولجه باقلش
 اولان محاکمه و حکمک تاریخلرینک اثباتنه دائر
 دکل ایسه) افاده کاذبه لرندن طولانی یلان
 شاهدلکی جرمی ایله اتهاملری قائلیدر ؟ شاهد
 هر نه قدر که قلب سلیم و فکر مستقیم اصحابندن
 ایسه ده تاریخ وقوعاتدن یک چوق وقت یکمش
 اولدیغندن کندوسندن طلب اولنان معلوماتی
 در خاطر ایدمه مدیکی جهتله کره ا و سهواً یلان
 سوتیش بولندیغندن مسؤلیدر ؟ یلان شاهدلکی
 جرمه تصدی و تشبث ایدر بده یداختیارنده اولیان
 اسباب مانعه حیلوتیله فعله چیقاره مامش اولانلرک
 حرکاتی جزایی مستلزم اولدیغنه دائر قانونده
 برکونه صراحت اولدقین بشقه جرم مذکورک
 تمامی ایکی احوال متوعده متوققدر بری سوء
 نیت و دیگری بر ضرره سببیت جهتربدر تعداد
 اولنان احوالک بعضیسنده یالکز سوء نیت و بعضیسنده
 یالکز ضرره سببیت واردر که بواسیابک منفرداً
 اولدیغی حالده یلان شاهدلکی جرم اولسنه کافی
 دکدر الحاصل حکمه مدار و اساس اولیان و بناءً
 علیه برکونه مضرته نتیجه و یرمیان شهادت
 کاذبه ایله ولوکه نتیجه حاصله سندن بر مضررت

ایتش اولسون مادام که سوء نیتله ایفا اولنماش
 و فاعلی ایسته میهرک و مضررتی موجب اولدیغی
 بیلمه رک شهادت کاذبه ده بولنمشدر قانون بوکا
 یلان شهادی دیمور ظن ایدیور بز
 خامه کذار عرض اولان احوالک شایان مباحثه
 اولدیغی افاده ایدمه بیلمش ایسه ک مطالعاتمز مقصدینی
 کسب ایتش اوله جقدر

فی ۲۷ جاذی الاول سنه ۳۰۳ و فی ۱۹ شباط سنه ۳۰۱
 ادرنه ولایتی داخلنده
 اورته کوی قضاسی
 مدعی عمومی معاونی
 زامپا

(محکمه تمیز جزا دائره سی)

شاهدلرک افادات واقعه لری حقنده اثنای محاکمه ده
 در میان اولنان مبانیت و مخالفتک برر برر تدقیقه
 مذاکره جریان التماسی و اولبابده کی اعتراضاتک
 یالکز شایان قبول اولدیغی بیانیله رد ایلدیسی
 و برقتک طاش و صویه ایله حاصل اولمش اولدیغی
 میدانده ایکن طاش و صویه نک ثقلتی تقدیر
 و مذاکره ایلدیگسزین قانون جزانک قرق بشنجی
 و بوز یتش دردنجی ماده لرینه تطبیق کیفیت اولنسی
 نقض حکمی موجب اولور . مجرمیت حکمنده

مخالف بولنان اعضانك تعیین درجه مجازات ایچون جریان ایدن مذاکره و محاکمه دن اجتنابی جائز اولیه رق اکثریتله حاصل اولمش اولان جهت ثبوتیه دن صکره دخی وظیفه حاکمیتی ایفا ایتسی یعنی تعیین درجه مجازات محاکمه سنده بولندیغی کبی اولباده رایه اشتراکی دخی حکم قانون اقتضاسنددر

(خلاصه اعلام)

آیدین ولایتی محکمه استینافیه سنک فی ۲۹ وجب سنه ۳۲ وفی ۲ مایس سنه ۳۰۱ تاریخلی و قرق نومرولی اعلامیله اوراق متفرعه سی باش مدعی عمومیلک مأموریت علیه سنددن فی ۱۶ محرم سنه ۳۰۳ وفی ۱۴ تشرین اول سنه ۳۰۱ تاریخلی و بیک التمش طقوز نومرولی تبلیغنامه ایله محکمه تمیز جزا دآره سنه اعطا اولنسی و مذکور اعلام مالی برغمه قضاسنه تابع قزل چقور قریه سی اهالیسنددن محمد اوغلی احمدک اوچبوز سنه سی تموز نیک اون ایکنجی جمعه کوتی وقوعبولان قتلدن طولایی جنایتله اتهام اولنسان اشخاصدن محمد اوغلی عثمانک برائنه و قضاء مذکوره تابع اسلامقریه لی مصطفی اوغلی یکریمی التی یاشنده عثمان و خلیل اوغلی اون طقوز یاشنده مصطفی واحمد اوغلی یکریمی یاشنده مصطفی و قرقه محمد اوغلی اون سکز یاشنده زنجی مصطفی و چپاچی خلیل اوغلی یکریمی ایکی یاشنده

سلیمانک مزبور احمدی انشای منازعه ده طاش و صوبه ایله ضرب و اتلاف ایلدکری اجرا قلنان محاکمه ده اخبارات و امارات ایله تحقق ایتمش اولدیغندن مجرمیتلرینه و قانون جزانک قرق بشنجی و بوز یتمش دردنجی ماده لرینه بویقاً و بدایت توقفلی اولان اوچبوز برسنه سی شوالنک او تنجی کوندن اعتباراً بعد التشهیر اون بشر سنه مدله کورکه قونلرینه اکثریتله قرار و بریله رک تفهیم قلندیغی حاوی و تبلیغنامه مفادی دخی محکوملرک لایحه لرلی مندرجاتی شایان دقت اولوب چونکه شاهدلرک افادات واقعه لرلی حقنده درمیان اولنسان مبانیت و مخالفت انشای محاکمه ده دخی درمیان اولنمش اولدیغی حالده بونلرک برر برر تدقیق و مذاکره اولدیغنه دائر صراحت اولدیغنه و یالکز مدافعه واقعه نیک شایان قبول اولدیغی کوستریلوب برکونه اسباب موجب سرد ایلدیکنه و فعل قتل طاش و صوبه ایله حاصل اولمش ایکن طاش و صوبه رک ثقلی تقدیر و مذاکره ایلدیکسزین ماده مذکوره یه تطبیق جرم ایلدیکنه بناء اصول محاکمات جزاییه قانون موقتک اوچبوز اون دردنجی ماده سی موجبجه اعلام مذکورک نقضی طلبنی محتوی بولنسی اوزرینه محکمه تمیز جزا دآره سی اسباب آتیه یه مبنی فی ۱۲ جاندی اول اول سنه ۱۳۰۳ وفی ۴ شباط سنه ۳۰۱ تاریخ و ۱۱۰۹ نومروسیله مذکور اعلامی نقض ایتشدر

(فقره حکمییه)

اوراق سائره دخی قرائتله برائت حکمنک رأساً تمیزینه مساع قانونی اولدیغندن جنایت حکمندن طولایی تدقیقات تمیزیه اجرا اولندی مذکور تبلیغنامه ده بیان اولنسان اعتراضات اعلامک نقضنی موجب اسباب قانونیه دن اولدیغی کبی هیئت محکمه دن خلیل افندیکنک مجرمیت قرارنده محکوملرک جمله برائت ذمتلری رأینده بولندیغی سبب طوته رق تعیین درجه مجازات قرارنده رأیم یوقدر دهرک اعطای رأیدن استنکاف ایلدیکی اکلاشیلوب حالبوکه مجرمیت حکمنده مخالف بولنان اعضانک تعیین درجه مجازات ایچون جریان ایدن محاکمه و مذاکره دن اجتنابی جائز اولیه رق اکثریتله حاصل اولمش اولان جهت ثبوتیه دن صکره دخی وظیفه حاکمیتی ایفا ایتسی یعنی تعیین درجه مجازات محاکمه سنده بولندیغی کبی اولباده رایه اشتراکی دخی حکم قانون اقتضاسندن بولندیغی بناء اصول محاکمات جزاییه قانون موقتک اوچبوز اون دردنجی ماده سنه توفیقاً اعلام مذکور نقض اولدیغندن احکام قانونیه دآره سنده اکیال نواقصه دعوانک یکیدن اعلامه ربطی ضمننده اوراق مرقومه نیک محله اعاده سنه و خرج تعرفه سنک قرقچی ماده سی موجبجه ایکیوز غروش نقض اعلامی خرجنک اخذ استیفاسنه قرار و برلدی

اعلان

انقره ولایت جلیله سی داخلنده قیرشهر سنجاغنه مضافه کسکین قضاسی مقر حکومتی بولنان دنک معدن قصبه سنده مقیم طوپالیان واغوبیان شرکتک عن اصل کرونی قصاب اوغلی مغردیچ ذمتنده باسند الاجعی اولان ایکیوز اون بش عدد عثمانلی لیراسی اوچبوز برسنه سی شباطنک التنجی کوننه قدر شهریه یوزده بردن سکز ماه یکریمی التی کونلک ایشلش اولان اون طقوز لیرا گذشته سی بالضم بالغ اولدیغی ایکیوز اوتوز درت لیرانک رأس المال عدیله کذلک یوزده بردن ایجاب ایدن گذشته و مصارف محاکمه ایله برابر مرقوم مغردیچدن تحصیلی حقنده قابل اعتراض اولق اوزره مذکور کسکین قضاسی بدایت محکمه سی تجارت قتمندن فی ۱۸ جاندی اول اول سنه ۱۳۰۳ وفی ۱۱ شباط سنه ۳۰۱ تاریخلی والی بر نومرولی برقطعه اعلام غیابی صادر اولمش و مدیون مرقوم مغردیچک غیبو بی حسبیله اعلام مذکور صورتک نظام مخصوصنه توفیقاً اعلاناً تبلیغی شرکادن مدعی کیورق افندی طرفندن باعرضحال استدعا قلنمش اولدیغندن اصول محاکمه تجارت نظامنامه سنک یکرمنجی ماده سنک فقره رابعه سنه توفیقاً مذکور صورت مدیون مرقومه تبلیغ اولنمش عد اولنق اوزره محکمه دیوانخانه سنه تعلق ایلدیکله تاریخ اعلاندن اعتباراً طهسان

برکونه د کین مدیون مرقومک محکمه مذکور اجرا د اوزه سنه مراجعتله اثبات وجود ایتسی و ایتدیکی تقدیرده برمنوال محرر اعلام صورتک کندوسنه تبلیغ اولتمش عدلیه حکمک اجراسی طبیعی اوله جنی اعلانه ابتدار قلندی

فی ۱۹ جاذی الاول سنه ۳۰۳ و فی ۱۲ شباط سنه ۳۰۱

ویرلمش و متهم مرقومک هرزده کور یلور ایسه طوتیلوب محکمه مذکوره حبسخانه سنه تسلیمی لازم کله جنی بالجمله ضابطه عدلیه مأمورلر یتک معلومی اولق اوزره اشبو اخذ و گرفت امری در سعادت محکمه استینافیه سی هیئت اتهامیه سندن بالتظیم اعطا قلمشدر

فی ۲۱ جاذی الاول سنه ۳۰۳ و فی ۱۳ شباط سنه ۳۰۱

بیک اوچبوز برسنه سی شهر ایلولنک بکرمی طقوزنجی بازار کیمه سی ساعت اوچ بیچق راده لرنده بک اوغلنده یکی شهرده منقصار فرونی جوارنده چقور او طه لک برند جرح و قتل اولنان بیچقبی پترونگ کیفیت قتلندن طولایی مظنون علیه اولوب ایوم وادی فرارده بولنسان تبعه دولت علیه دن عن اصل ساقزلی اولوب تخمیناً او توز بش یاشنده اورته بویلی الا کوزلی قرال صاچلی اسمرجه و جهلی غازینوچی یاقومینک فعل مذکور جرات ایلدیکنه دایر اوراق تحقیقیه ده موجود اولان دلائل اتهامه کافی اولوب حرکتی قانون جزانک یوز یتمش در دنجی ماده سی حکمنی مستلزم افعال جنایه دن بولتمش اولغله اولوجهله مرقومک محکمه جنایته غیاباً محاکمه سی اجرا اولتی اوزره جنایتله اتهامه متفقاً قرار

کیوه قضاسنه تابع اقصار ناحیه سنک ایهم بک قریه لی موطنی اوغلی عثمانه قتل قصدیه تشهر سلاح ایده رک اسباب مانعه حیلولتیه فعله چیقاره مدیغی ادعا اولتمسند نظولایی جنایتله متهم اولوب فرارده بولنان اورته بویلی صاری قرال یقلی صاری بکزی مطروش او توز یاشنده کیوه قضاسنک ایهم بک قریه سندن ارته اوغلی محمد نام کسنه یه بوکره طرف ریاستدن مجدداً اون کون مهل ویرلدیکندن مدت مذکوره ظرفنده ینه اثبات وجود ایتز ایسه قانونه اطاعت ایتامش نظریه باقیله رق اصول محاکات جزایه قانون موقتک باب رابعنک فصل ثانیه سنه محرر مواد احکامنه توفیقاً محاکمه غیابیه سی بالاجرا حقوق مدنیه دن اسقاط ایدیله جنی و اموالنک دخی تحت

جزه اله جنی و بوسره ده کندوسنک برکونادعوایه [حق و صلاحیتی اولیه جنی و بولندیغی محلی بیلانر خیر و یرمکه و بالجمله ضابطه عدلیه مأمورلری کندوسنی در دست ایتکه مجبور بولندیغی معلوم اولتی اوزره اعلان کیفیته ابتدار قلندی فی ۱۷ شباط سنه ۳۰۱

ایدیله جنی و اموالنک دخی تحت جزه اله جنی و بوسره ده کندوسنک برکونه دعوایه حق و صلاحیتی اولیه جنی و بولندیغی محلی بیلانر خبر و یرمکه و بالجمله ضابطه عدلیه مأمورلری کندوسنی در دست ایتکه مجبور اولدیغی معلوم اولتی اوزره اعلان کیفیته ابتدار قلندی فی ۱۷ شباط سنه ۳۰۱

اطه بازار ینه تابع خندق ناحیه سنک حسین شیخ قریه سی ساکنلرندن اولوب بوندن درت سنه مقدم تفنک قورشونیه جرح و تلف ایدیلان حسنک جرح و قتلندن طولایی جنایتله متهم اولوب وادی فرارده بولنان اورته بویلی یومری آلتلی اورته بورنلی سیاه کوزلی قاتلجه دودا قلی مطروش چاطق قاشلی سیاه صاچلی اسمر بکزی بکرمی بش یاشنده خندق ناحیه سنک قلابنده قره چوکک محله سی ساکنلر نه و تبعه دولت علیه دن حرب اوغلی ابازه چاپاق نام کسنه یه بوکره طرف ریاستدن مجدداً اون کون مهل ویرلدیکندن مدت مذکوره ظرفنده ینه اثبات وجود ایتیه جنک اولورسه قانونه اطاعت ایتامش نظریه باقیله رق اصول محاکات جزایه قانون موقتک باب رابعنک فصل ثانیه سنه محرر مواد احکامنه توفیقاً محاکمه غیابیه سی بالاجرا حقوق مدنیه دن اسقاط

خاصکویده جزایری جاده سنده بکرمی سکر نومرولی خانه ده ساکن تبعه دولت دولت علیه دن مغردج فرنگیانک بک اوغلی بدایت محکمه سی رنجی حقوق دایره سنه اعطا ایدیلدی عرضخالده خاصکویده عبد السلام محله سی جاده سنده واقع ایکی نومرو ایله متصرف اولدیغی بر باب دکانی بوندن مقدم فلبه لی ترزی نیقولی یه ماهیه فرق غروش اچاره و یرمک اوزره ایجار ایتدیکی حالده مستأجر مرقوم درون مأجورده اون بش کون قدر اقامت ایلدکن صکره قبالی اوله رق بالترک فرار ایتمش و بناء علیه اون ماهدنبرو امر انتفاعدن محروم اولقده بولتمش اولدیغندن بختله ذکر اولنسان دکانک محکمه واسطه سیله کشاد اولنه رق دروننده موجود اشیانک فروختی و نمندن شمعی یه قدر تراکم ایتمش اچاره ایله مصارف

واقعه سنك استيفاسى خصوصى طلب و دعوى اولمش و على الاصول تبليغ اولنان دعوتنامه ظهرينه خاصكوى روم ملتى مختارى طرفندن ياز يلان شرحده مدعى عليهك اون ماه مقدم دكان مذكوره اقامت ايتديكى و شمى ايسه قبالى اوله رق محل اقامتى مجهول بولنديغى بيان اولمش و تعين اولنان كونده محكمه يه كمش اولان مدعى حكم قانونك اجراسنى طلب اولمش اولمسيله اصول محاكمه حقوقيه قانون موقتك يكرمى التنجى مادهسى حكمه توفيقاً مذكور دعوتنامه محكمه ديوانخانه سنه تعليق ايديلهرك اشبو بيك اوچبوز ايكي سنهسى شهر مارتك اون بشنجى جمعه ايرتسى كوني خصوص مذكورك فصل ورؤ يتي تنسب قلمش اولديغندن يوم مذكوره مدعى عليه مرقوم نيقولينك بك اوغلى بدايت محكمهسى برنجى حقوق دائره سنه كلسى و يا خود طرفندن مصدق سندله بروكيل كوندرمى و شايد كلز و وكيل دخى كوندرمى ايسه حكم قانونك اجرا قلنه جنجى اعلان اولنور

في ۲۶ جاذى الاول سنه ۳۰۳ في ۱۸ شباط سنه ۳۰۱

~~~~~

بيك اوچبوز برسنهسى ايلونك ايكنجى چهارشنبه كچهسى ساعت اوچ قرارلنده قباطاشده دوينك نام كيسه نك معامله جبر و شدت اجراسيله

ساعتنى اخذ و غضب و كندوسنى جرح ايلدكلى ادعا اولتمسندن طولايى جنايته اتهام ايديلان طوبخانه عامره صنايع الايبى افرادندن ابراهيم رفيق اولوب وادى فراده بولنان اوزون بويلى چاقر كوزلى تر بيقلى بغدادى بكزلى طوبخانه ايكنجى صنايع الاينك ايكنجى طابورنك درنجى بلوكى افرادندن مدرلبلى عثمان بن على نام شخص شمى يه دكين اله پچور به مديكندن اصول محاكمات جزاييه قانون موقتك اوچبوز يتمش برنجى ماده سنه توفيقاً قانونه اطاعته محكمه يه كلك اوزره تاريخ اعلاندىن بالا اعتبار جانب رياستدن مرقومه اون كون مهل و يرلش اولغله مدت مذكوره ظرفنده محكمه يه كلبدىكى تقديرده قانونه اطاعت ايتماش نظريه باقيه رق محاكمه غيايهسى بالا اجرا حقوق مدينه دن اسقاط و اموالى جز ايديله جكى و بومدت ظرفنده بركونه دعوى اقامه سنه حقى اوله ميه جنجى كى مرقومك بولنديغى محلى پيلنر خبر و برمكه و بالمله ضابطه عدليه مأمورلر نك كندوسنى اخذ و گرفت ايتمه مجبور اولدقلى و مرقوم حقه اخذ و گرفت امرى اعطا قلمش اولديغى بيانيله اعلان كيفيت اولنور

في ۱۹ شباط سنه ۳۰۱

-----

طرنوبلى متوفى درو يش اغانك حال حياتنده طرنوبلى حاجى راسم بكدن استقراض ايلديكى

يوز عدد عثمانلى ليراسندن متوفانك ورته سندن زوجةسى سيده و كرمهسى صافناز خانمرك حصه مصيهرينه عائد بولنان مع گذشته يوز عدد تام و ربع عثمانلى ليراسنك ايشليه جك گذشته و مصارف محاكمه سيله برابر حسب الكفاله مومى اليهمادن تحصيليله مير مومى اليه اعطاسنه و مبلغ مستقرض مقابلنده مرهون اولان ايكي عدد چيچكلى الماس بوروشك فروختيله استيفاي مطلوب اولتمسنه دائر در سعادت بدايت محكمهسى ايكنجى حقوق دائره سندن غيا باو ير يلان اعلام عليهنده وقوع بولان اعتراض على الحكم اوزرينه ورته دن متوفانك مخدومى احد اغانك حصه مصيهرسى دخى داخل بولنق و ايشلش گذشته دن صرف نظره طقسان بركون ظرفنده ايشليه جك گذشته سيله برابر اعطا اولندقه رهن اعاده اولنق و ايشا ايدلديكى حالده اجرا دائره سنجه رهنك فروختيله بدلندن تسويه دين ايدلك و كفايت ايتديكى صورته اوست طرفنى مومى اليهمادن مطالبه حقى باقى قالمق اوزره رأس المالدن يوز و مصارف محاكمه دن يكرمى كه جمعاً يوز يكرمى عدد عثمانلى ليراسنه مومى اليهمانك و كيللرى دعوى بميزلندن آگاه افندى ايله مير مومى اليه بينلرنده صلح اولمش اولدقلى ينى حضور محكمه ده اقرار و افاده ايتمه بوجه مشروح صلحك و بويولده اعلام غيايى مذكورك تصديقنه طرفين مواجهه سنده حكم اولنديغى دائره مذكوره دن و ير يلان و اجرا دائره سنه توديع ايديلان فى ۹ كانون اول سنه ۳۰۱ تاريخلى و اوچبوز

درت نومرولى برقطعه اعلامك اجراسى حقهنده و كالت عموميه سنه مبنى و وكيل مومى اليه آگاه افندى به اخبارنامه تبليغ اولمش ايسه ده مومى اليه طرفندن اخبارنامه ذيلنه ياز يلان در كنارده و كالتدن منعزل اولديغى بيان قلنديغنه و ورته متوفى ميدانده بولندقلى كى محل اقامتلى كوستريه ميوب مع مافيه حكم اعلامك اجراسى داي طرفندن استدعا اولنديغنه و اجرا قانون موقتك يكرمى طقوزنجى ماده سنده بومثالو مديونك معلوم بر اقامتگاهى اولديغى و كندوسى ميدانده بولنديغى حالده اوچ آى ظرفنده اثبات وجود ايتسى ايچون اصول محاكمه نظامنامه سنك اون طقوزنجى ماده سنك درنجى قهرهسى موجبجه حركت اولنوب بواوچ آى انقضاسنده مديون اثبات وجود ايتز ايسه امتناعى ثابت اولور و حكم اعلام اجرا قلنور ديو كوسترلديكنه بناء ذكر اولنان مواد قانونيه يه توفيقاً تاريخ اعلاندى اعتباراً طقسان بركون ظرفنده ورته مومى اليهماطرلرندن اثبات وجود ايدلديكى حالده رهنك فروختيله استيفاي دين ايديله جكى و فضله قالور ايسه اجرا وزنه سنده حفظ اولنه جنجى و كفايت ايتديكى حالده قصور نك مطالبه قلنه جنجى در سعادت بدايت محكمهسى اجرا دائره سندن اعلان اولنور

في ۲۰ شباط سنه ۳۰۱

-----

بيك اوچيوز برسنه سي نوزينك يكرمي طقوزنجي بازار ايرتسي كوني قرتال قضاينه تابع سمنديرهلي عبدالقادر اوغلي عمر اغانك كيفيت جرح وقتلندن طولايي مظنون عليه اولان الحيق بويلى چاقر كوزلى صاري يقلى تخميناً يكرمي بش ياشنده اولوب قريه مذكوره ساكنلرندن چركس محمد فرار ايتسندن وحقنده اجرا اولنان تحقيقات اوزرينه هيئت اتايميدن اتايمه قرار و يرلكدن ناشي اصول محاكمات جزايشه قانون موقتك اوچيوز يتش برنجي ماده سي موجب حقه حقه معامله مقتضيه اجرا و معامله مقتضيه اجرا و معامله غيايه سي ايضا اولنه رق مرقوم محمدك قانون جزانك يوز يتمشي ماده سي حكمنه توفيقاً اعدامه محكمه جنائندن غياياً حكم اولمش و اصول محاكمه مذكوره نك اوچيوز يتش يدنجي و اوچيوز يتش سكرنجي و اوچيوز سكسان برنجي ماده ليله مواد سائر سناك احكامنه توفيقاً معامله اجراسي مرجع ليله بيلد يرلمش اولقله اعلان كيفيت ارلنور

في ۳۰ جاذي الاول سنه ۳۰۳ و في ۲۲ شباط سنه ۳۰۱

بيك اوچيوز برسنه سي ايلولنك يكرمي سكرنجي بازار كيجه سي بكار بكنده كو پليجه نام محله واقع عساكر شاهانه قائمه تاملرندن مدوح بلك تحت

استيچارنده بولسان چفتلكده صغرتماجلق ايند كغري بلي محمدك كيفيت جرح وقتلندن طولايي مظنون عليه اولان اورته بويلى طقنازجه ماني كوزلى صاخ كوزي اوزرنده راور اولوب تخميناً اوتوز ياشنده مذكور چفتلك خدمه سندن و اسليه مهاجرلرندن حتمين فرار ايتسندن و حقنده اجرا اولنان تحقيقات اوزرينه هيئت اتايميدن اتايمه قرار و يرلكدن ناشي اصول محاكمات جزايشه قانون موقتك اوچيوز يتش برنجي ماده سي موجب حقه حقه معامله مقتضيه اجرا و محاكمه غيايه سي ايضا اولنه رق مرقوم حتمينك قانون جزانك يوز يتمشي ماده سي حكمنه توفيقاً اون بش سنه مدته كوركه قونلنده و اوتوز برنجي ماده سي موجب حقوق مدينه دن اسقاطنه محكمه جنائندن غياياً حكم اولمش و اصول محاكمه مذكوره نك اوچيوز يتش برنجي و اوچيوز يتش سكرنجي و اوچيوز سكسان برنجي ماده ليله مواد سائر سناك احكامنه توفيقاً معامله اجراسي مرجع ليله بيلد يرلمش اولقله اعلان كيفيت ايتدار قلندي

في ۳۰ جاذي الاول سنه ۳۰۳ و في ۲۲ شباط سنه ۳۰۱

10585

331 (6)

